



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno DCCCCX. ad annum MLXXIII.

Parisiis, 1644

Vita Et Epistola Ioannis Papae XV.

urn:nbn:de:hbz:466:1-15625

Defuncti cadauer factiosi illi, quorum subsidio viuens nitebatur, nudatum lanceis vulnerarunt, & per Vrbem traxerunt. Hæc ex antiquis Vaticanis codicibus Baronius anno 984. & sequentibus. Videant recentiores chronographi, quantum prædonem & tyrannum in numerum optimorum pontificum referant, qui potius inter famosissimos latrones & potentissimos patriæ proditores Syllas & Catilinas annumerandus erat.

Chronographi redarguuntur.

ANNO
CHRISTI
984.



VITA ET EPISTOLA
IOANNIS PAPÆ XV.

ANNO
CHALTI
985.

Ioannes XV. quando & quomodo electus?
Cur Roma discesserit?

Qua occasione Romam reuocatus fuerit?

Pacem componit. Pseudosynodum Rhemensem reprobabat.

Obitus Ioannis.

IOANNES patria Romanus, ex patre Leone postea presbytero natus, post extinctum tyrannum communi suffragio legitime electus est anno Christi 985. sub regno Ottonis III. Hic timore eorum quæ prædecessor passus erat, secessit in Tusciam, cum a nouo tyranno Crescentio Numentano, qui titulo consulatus munitionem sancti Angeli possidere aggressus est, infestaretur. Cumque legationes ad Ottonem mittere frequentaret, & Romani memores eorum quæ propter iniurias pontificibus illatas ab Ottonibus anterioribus passi erant, e vestigio honorifica legatione eundem Ioannem reuocarunt, dataque illi omni securitate in Vrbem redire rogarunt. Quod dum faceret, omnes aduentanti occurrerunt, piis officiis & obsequiis eundem honorarunt, seque illi subiecerunt. Libentio Hamburgensi episcopo pallium concessit. Leonem Treuirensis viceepiscopum ad regem Angliæ & ducem Nortmannorum ablegauit, vt eos inter se dissidentes conciliaret. Acta Pseudosynodi Rhemenfis, qua amoto Arnulpho Gerbertus subrogatus fuerat, improbauit, & amotum sedi suæ restitui feliciter procurauit. Ad Crescentii tyrannidem, quæ in dies magis magisque inualescebat, propulsandam Ottonem regem Germaniæ Romam venire rogauit. Antequam vero accederet, defunctus est pontifex optimus septimo Maii, cum sedisset annos decem, menses dies duodecim. Sepultus est in basilica sancti Petri in oratorio sanctæ Mariæ.

EPISTOLA
IOANNIS PAPÆ XV.

AD OMNES FIDELIS.

De pace concilianda inter Ethelredum regem Angliæ
& Richardum ducem Nortmanniæ,
quem marchionem vocat.*Ioannes quintusdecimus sanctæ Romanæ ecclesiæ papa
omnibus fidelibus salutem.*

NOVERINT omnes sanctæ matris ecclesiæ fideles, & nostri vtriusque ordinis per climata sæculi dilatati, qualiter nobis relatum est a compluribus de inimicitia Ethelredi Saxonum occidentalium regis, nec non & Richardi marchionis; vnde nimium tristis effectus, vtpote de filiis nostris spiritualibus, tandem inito salubri consilio, accersui quemdam apocrisiariū nostrum Leonem, vice-episcopum sanctæ Treuerensis ecclesiæ, & misi eum illuc cum literis nostris exhortatoriis, vt resipiscerent ab hac superstitione. Qui transiens vastas intercapedines terrarum, tandē marinos transmeauit fines, & in die natiuitatis Domini peruenit ante conspectum regis præfati, moxque ex parte nostra salutato obtulit literas quas illi miseramus. Qui, accersitis cunctis sui regni fidelibus vtriusque ordinis sapientioribus, ob amorem & timorē Dei omnipotentis, nec non & sancti Petri apostolorum principis, & per nostram admonitionem paternam, firmissimam concessit pacem cum omnibus filiis & filiabus suis præsentibus & futuris, & cum omnibus fidelibus suis sine dolo. Qua de re misit Edelsinū sanctæ Schireburnensis ecclesiæ præfulem, nec non Leofstanum filium Alfvoldi, & Vulfstani filium Ederelnothum, qui transierunt marinos fines, & peruenerunt vsque ad Richardum præfatum marchionem. Qui & monita nostra pacifice suscipiens, simulque audiens decretum suprafati regis, libenti animo pacē firmavit eandem cum filiis suis & filiabus præsentibus & futuris, & cum omnibus fidelibus suis, eo rationis tenore, vt si aliquis eorum vel ipsi iniuste aliquid contra alium perpetraverint, digna emendatione purgetur. Paxque maneat perpetualiter & inconuulsa, sacramentorum vtriusque partis stigmatem

Concil. Tom. 25.

Dd ij

Malm. de
Gest. reg. li-
bro 2. cap.
10.

stipulata. Ex parte scilicet regis Ethelredi, Edelsinus, præful sanctæ Schireburnensis ecclesiæ, & Leofftanus Alfvol-di filius, & Ederelnothus Vulfstani filius. Ex parte Richardi Rogerius episcopus, Rodulphus Hugonis filius, Truteno filius Thurgis. Actum Rothomagi Kalendis Martii, anno ab incarnatione Domini nongentesimo nonagesimo primo, indictione quarta. Et de hominibus regis vel de inimicis suis nullum Richardus recipiat, nec rex de suis sine sigillo eorum.

SYNODVS LANDAVENSIS

SVB * GVCANO XXVI. LANDAVIÆ EPISCOPO,
a sancto Dunstano archipræsule Cantuariæ, anno Do-
mini DCCCGLXXXII. consecrato,

*Qua Arthmail rex Guentix ob fratricidium anathema
declaratur.*

E Landa-
uensi manu-
scripto.

ARTHMAIL rex Guentix, filius Nougui, occidit fratrem
suum Elised, imo semet ipsum, vt est metricè dictum:

*Quicumque . . . alium molitur lædere, primum
Ipsam se iaculo percutiet proprio.*

Et factò tam execrabili homicidio, & humano generi exoso, episcopus Gucaunus misit legatos per totam parochiam sibi subditam & obtemperantem ecclesiæ suæ Landauix, propter clericos omnes de maioribus gradibus vsque ad inferiores gradus, vt simul conuenirent apud Landauiam. Et congregatis illis omnibus de fine ad finem, vt prædiximus, affirmante tota Synodo, fecit regem anathematizare, & ablata sibi tota Christianorum communitate, & audito sibi factò anathemate, requisivit veniam lacrymabili deuotione apud Landauiam, & iniuncta sibi pœnitentia de fratricidio perpetrato, largitus est in elemosyna Deo & sanctis Dubricio, Teliauo & Oudoceo, & Gucauno episcopo & omnibus præfulibus Landauix in perpetuo, *Lanm Mihacgel, Lichrit, &c.*

CIRCA
ANNVM
CHALTI
981.
* d. GY.
CAV-
NO